

ADASA NDZINOA HO DAWURBO

NYIENYIM

Onam de adasa hon enyimnyam ye per na ndzinoa a obi nngye mmfi hon nsamu a wowo no ngyetomu nye wiadze yi mu fahodzi, perperdzi, ntsentsenenee na asomdwee ne fapem;

Onam de tsia a yetsiatsia nyimpa ne ndzinoa do no dze ewurkadze nwenwen a obiara tsia aba, na afei so wabɔ wiadze a ɔreba a no mu nyimpa benya fahodzi wo kasa, gyedzi, suro na ohia ho dawur de nyimpapem nyina hon ahwehwɛdze tsitsir,

Onam de ohia pɛpɛpɛ de yɛmmpɛ de yɛyɛ adasa ndzinoa ho mbra,

Onam de ohia de wotu aman na aman ntamu anyenkoyɛ nkitahodzi mpon,

Onam de Amanaman Nkabɔmu Kuw mu nyimpa nyina edua Farbaa Nwoma no do agye hon gyedzi a ɔwo adasa awose ndzinoa, nyimpa n'enyimnyam na nyimpa no bo a ɔsom, na mbanyin na mbaa hon ndzinoa a ɔyɛ per ato mu na wabɔ hon enyim biriw de wobotu asetsena mu kankɔ na atseyie mpon,

Onam de aman a wɔdɔm Amanaman Nkabɔmu Kuw no abɔ ɔdabaa de wɔnye Kuw no beyɛ ahwehwɛ amansuon nyina enyiedzi ama adasa ndzinoa na awose fahodzi ntsi.

KUW NO BAGUA KESE NO

Paa mu kã de:

Afei,

NHYIAMU KESE NO YI ADASA NDZINOA HO DAWURBO no kyerɛ de: ɔno nye nhwhɛdodze tsitsir a ɔwo ho ma nyimpa na aman nyina, ama ankorankor biara na nyimpa kuw biara, sɛ wɔdze dɛm dawurbo yi si hon enyim a, wɔabɔ mbɔdzen edua nkyerɛ na adzesua do ama nkorɔfo eedzi ndzinoa na fahoazi ahorow no nyi; na wɔaatɔa do afa honara hon man na amanaman nhyehyɛ do wɔama wɔaagye dawurbo yi ato mu na woedzi do wo Aman a wɔdɔm Nkabɔmu Kuw no mu biara mu nye asaase biara a wɔhyɛ hon ase no so do.

Asempɔw 1

Wowo adasa nyina to fahodzi mu, na hon nyina ye per wo enyimnyam na ndzinoa mu. Wɔmaa hon nyina adwen na tsibowa, na ɔwo de hon nkitahodzi mu ndzeyɛ da no edzi de wɔyɛ enuanom.

Asempɔw 2

Obiara wo ndizona na fahodzi a wɔada no edzi wo Dawurbo yi mu no ho kwan a nyiyimu biara nnyi mu a ɔfa no obi n'awosu anaa no honamenyi ngyegyee mbre ɔtse, de ɔyɛ banyin anaa ɔyɛ basia, ne kasaa a ɔkã, ne nyamesom mbre ɔtse, amanyɛ ho adwen a ɔwo, ne man anaa asetsena mu gyinabew a ofi mu, egyapadze a ɔwo, n'awofo hon gyinabew anaa gyinabew fofor biara so a ɔwo ho.

Bio, onnyi de wogyina ɔman a obi fi mu no n'amanyɛ kwan, ne mbra anaa n'amanandze gyinabew do-de ɔman no dzi ne mansin, de ɔhyɛ ɔman bi no nhwɛdo ase, anaade onnyi fahodzi, ye nyiyimu tsia nyimpa no.

Asempow 3

Nyimpadua no nkwa, ne fahodzi, na no totrotɔ ye obiara ne ndzinoa.

Asempow 4

Onnyi de wɔdze obiara to nkowaasom mu anaade wɔma osom osomhun; ɔwɔ de wogu nkowaasom na ndɔnkɔgua korakora.

Asempow 5

Onnyi de wɔye obiara ayakayakadze, etsiɔdzendze anaa enyinyandze anaa wɔtsea no anaa wɔma no asotwe biara a ɔseɛ dasanyi n'enyimnyam.

Asempow 6

Ɔye obiara ne ndzinoa de, mbra mu, wobu no de nyimpa wɔ beebiara.

Asempow 7

Nyimpa nyina ye per wɔ mbra no enyim, na hɔn nyina fata mbra no ne ntwitwagye a nyiyimu nnyi mu. Obiara wɔ ho kwan de mbra no bɔ no ho ban tsia nyiyimu a obu Dawurbo yi mu nsempow no mu biara do no, nye nunu biara a wonunu nyimpa ma ɔye ma ɔye nyiyimu no.

Asempow 8

Obiara a wɔaye bɔn etsia ne ndzinoa a mbra na amambu ho mbra ma no ho kwan no, wɔ ho kwan de odua asɛndzi baguafo do gye nsiesie anaa mpata a ɔfata.

Asempow 9

Onnyi de abotsirmu ara wɔkyer obi, wɔdze no sie, anaa wotwa no esu.

Asempow 10

Obiara wɔ ho kwan de bagua asɛndzifo a wɔnntɔn hɔn asowa nndzi tsena hwehwe n'asɛm mu pefee wɔ ne ndzinoa, n'asadze anaa ewudzisɛm ho sombo bi a wɔdze abo no ho.

Asempow 11

Obiara a wɔabɔ no sombo bi a ɔdze ntsea nam no wɔ ndzinoa de wobu no de odzi bem kesi de, woedzi n'asɛm ama no kwan biara a ohia de ɔdze tstsew no ho, na woebu no fɔ de mbre mbra kyere.

Onnyi de wobu obiara fɔ na wɔtsea no wɔ ndzeyee bi a ɔnnye ntsea nam ase. Na eso onnyi de wɔma obi ntsea a ɔbor no mfomdo a ɔaye no ho ntsea do.

Asempow 12

Onnyi de abotsirmu ara wɔdze ɔho hyehye obi no kɔkoamunseɛm, n'ebusuasɛm anaa n'efiseɛm mu; anaade wogu n'enyimnyam na ne dzin ho fi. Ɔye obiara ne ndzinoa de mbra bɔ no ho ban tsia ndzeyee a ɔtsetse dem yi.

Asempow 13

Ɔye obiara ne ndzinoa de okyinkyin na otsena ɔman bi n'asaase do bea biara a ɔpe.

Ɔye obiara ne ndzinoa de ofi ɔman biara mu (noara ne man kã ho) na ɔsan ba ne man mu bio.

Asempɔw 14

Obiara wɔ ndzinoa de ɔhwehwe na onya guansuma wɔ ɔman bi do fi atseetsee ho.

Onnyi de dem ndzinoa yi wobisa wɔ bɔn bi a ɔmmfa manye ho anaa otsia Amanaman Nkabɔmu Kuw no ne nhyehyee a onyia no aye ma woridzi n'asem wɔ ho biara ho.

Asempɔw 15

Obiara wɔ ndzinoa de ɔye ɔman bi ba.

Onnyi de abotsirmu ara wɔma obi hwer n'amambaye, anaade wɔmma no kwan mma ɔnnsesa n'amambaye.

Asempɔw 16

Ɔye mbanyin na mbaa a hɔn enyi efifir hɔn ndzinoa de wɔwar na wɔwo mba, na awosu, amambaye anaa nyamesom nnsiw iyi ho kwan. Mbanyin na mbaa nyina hɔn ndzinoa a wɔwɔ no awar ho no ye per wɔ awar ber no mu nye awar no ngui no mu so.

Adze ara a ɔwɔ de awar no gyina do nye asakuw ebien a wɔrowar no hɔn pe a nhye nnyi mu.

Okun, ɔyer na mba bɔ mu kor de abɔasee kuw a nyimpa kuw biara ne farbaa fi mu wɔ adasa mu, na ɔye hɔn ndzinoa de nyimpakuw no na ɔman no bɔ hɔn ho ban.

Asempɔw 17

Obiara wɔ ndzinoa de onya egyapadze a ɔye no nko nedze, anaade ɔnye nkorɔfo bi bɔ mu nya dem egyapadze no.

Onnyi de abotsirmu ara wɔgye obi n'egyapadze fi ne nsamu.

Asempɔw 18

Obiara wɔ ndzinoa de ɔye n'adwen, ɔsoa noara ne tsibowa, ɔfa nyamesom biara a ɔpe. Dem ndzinoa yi ne fã bi nye kwan a obiara wɔ de ɔsesa ne nyamesom anaa ne gyedzi na kwan so a ɔfa do dze ma ne gyedzi no da edzi wɔ bagua mu anaa nsumaa mu, de ɔno nko anaade nyimpa binom kã ho wɔ iyi mu.

Asempɔw 19

Obiara wɔ ho kwan de ɔkyere n'adwen wɔ biribi ho. Dza ɔkã dem ndzinoa yi ho nye de obiara botum aye n'adwen wɔ biribi ho a ntotoananmu biara nnyi mu. Dza ɔkã ho bio so nye de otum anaa otsie asem nye nsusui biara a ɔnam kwan biara do na efi mbea nyina, na ɔma nyimpa binom so tse.

Asempɔw 20

Obiara wɔ kwan de ɔko nhyiamu a ɔye asomdwee ase, na ɔdom fekuw biara.

Onnyi de wɔhye obiara ma ɔdom fekuw bi.

Asempow 21

Oye obiara ne ndzinoa de osuo mu ma wobu ne man de onoara dzi bano wo mu, anaade obosuo mu ma woeyi ananmusifo.

Oye obiara ne ndzinoa de onya kyefa wo oman adododze biara aowo ne man mu no mu.

Owo de aban no tum gyina omamfo hon pe do. Dem pe yi wonam ambatow a no mu da ho a wotow no ne ber ano do da no edzi, akorɔfo a woasɔ ambatow no wo de woma wotow amba wo nsumaa mu a nhye biara nnyi mu.

Asempow 22

Ankorankor biara, de oye omamba bo, wo ndzinoa de oman no bo n'eyiedzi ho ban. Owo de wofa oman no no mbodzen do, anaa bataboa bi a dem oman no nye oman foror bi ye do ma omamba biara n'eyiedzi ba mu de mbre oman kor no ne sikasem, n'asetsena na n'amambra no tum a oma n'enyimnyam dzi mu no tse.

Asempow 23

Obiara wo ndzinoa de oye edwuma. oye ne ndzinoa de ofa edwuma a ope de oye, na oye ne ndzinoa de woma no edwumaye mu nhyehyee pa, na wobɔ noho ban fi fietsena ho.

Oye obiara ne ndzinoa de woma no akatua a ofata n'edwuma a oye a, nyimpa nyiyimu biarannyi mu.

Obiara a oye edwuma no wo ndzinoa de onya akatua a ose na otsen a obema onye n'ebusuafo enya asetsena a ofata nyimpa n'enyimnyam, na se ohia mpo a, owo de wodze asetsena mu nhyehyee ho ekyigyina bi foa akatua no do.

Oye obiara ne ndzinoa de otsew anaa odom edwumayefo kuw bi dua do dze bo n'eyiedzi ho ban.

Asempow 24

Obiara wo ahomgye na bondodziber ho kyefa; mber a wواهyehye a omma edwumaye mmbor do, na akwanma ber a wotua odwumayenyi no kaw so ka iyi ho.

Asempow 25

Obiara wo ndzinoa de onye n'ebusuafo nya asetsena yi mu eyiedzi a obema woenya ahoodzen nye asetsena pa, edziban, akataho, tsenabew, eduye na asetsena mu nhyehyee pa.

Oye obiara ne ndzinoa so de, ze ohwer n'edwuma, oyar, onya dzemdzi bi, no hokafo wu, mpanyinye ma oye mberew, anaade biribi ama ma onntum nnhwe noho a, onya asetsena mu ekyigyina. Owo de mbasiafo a wotur mba na mbofra nyina woma hon mboa soronko. Mbofra nyina, de wowoo hon wo awar ase, anaade wowoo hon wo sonmu, wo de woma hon asetsena mu bambo per.

Asempow 26

Oye obiara ne ndzinoa de ohu nwoma. Mbofraber mu nwomasua na ahyese nwomasua a otse dem no nnyi de wogye ho sika. Oye nhye de abofra biara nya mbofraber mu nwomasua. Owo de woma mfirdwuma, na nsaanodwuma ho adzesua nye dwumadzi horow ho nwomasua ye beberee. Suapon mu nwomasua so wo de oye beberee na

obiara a no mbɔdzembo fata no woma no ho kwan.

Ɔwo de nwomasua nyina no botae ye de ɔhwehwe nyimpa dasanyi no mu nyina no mpontu nye enyidzi kese a ɔbeba nyimpa mu wo adasa hon ndzinoa ahorow a wowo no ho. Ɔwo de otu ntsease, gyaamu-ma-onka na anyenkoye mpon wo aman, nyimpakuw na nyamesom ho ekuw nyina mu; na ɔboboa atow Amanaman Nkabomu Kuw no dwumadzi ako kan dze ama asomdwee eetsim.

Awofo wo ndzinoa de wobekyere nwomasua kor a ɔwo de hon mba nya.

Asempow 27

Obiara wo ndzinoa de ɔdze noho fora ne man m'amambra mu na onya enyigye fi oman no n'amandze nsaanodwuma mu na onya kyefa wo abɔdze nyansape na mfaso a ɔdze ba no mu so.

Obiara wo ndzinoa a ofi abɔdzenyansape, nwomasua anaa amandze, nsaanodwuma adzeye bi a noara dze bobo adze no mu ba no ne bambo no mu.

Asempow 28

Obiara wo ho kwan de onya kyefa wo asetsena anaa amanaman nhyehyee a okitsa ndzinoa na fahodzi horow a wɔda no edzi wo dem Dawurbo wo Mpaamukã yi mu no mu.

Asempow 29

Obiara wo asodzi wo nyimpa kuw a ɔtse hon mu no mu; ho nko ara nye bea a no mpontu a odzi mu botum aba a akwansiwɔdze bi nnyi ho.

Ber a obi dze ne ndzinoa na ne fahodzi ridzi dwuma no, ɔwo de ɔye dza mbra hwehwe wo no ho ama binom so eenya hon kyefa nye hon fahodzi. Ɔwo de onya no bo bra tsenenee na ɔye guadoadzeye de mbre ɔdodow amambu mu eyiedzi adzeye ho ntsetsee tse.

Onnyi de wɔfa kwan biara a otsia Amanaman Nkabomu Kuw no ne nhyehyee do dze hwehwe ndzinoa na fahodzi ahorow yi.

Asempow 30

Onnyi de nyimpa biara ma nkyerɛase wo Dawurbo yi mu nsem yi ho a ɔbema oman, nyimpakuw anaa ankorankor bi tum ma ɔaaye biribi a ɔbesee ndzinoa na fahodzi ahorow a wɔda no edzi wo nwoma yi mu no.